



51485

Mag. St. Dr. P

MIROBVLLI
TASSALINI
ADVERBIORVM,
MORALIVM.

Domus Probationis Cracoviae a d. s.
Matthiae P. F. **S I V E**

DE VIRTUTE & FOR-
TUNA

LIBELLUS



OPERA
TILMANI & GAMEREN
Imaginibus ampliatus.

VARSAVIÆ,
Typis CAROLI FERDINANDI
SCHREIBER S. R. M. Typog.
ANNO M DC LXXXVIII.

34. VI. 55.



57485
I



TYPOGRAPHUS LECTORI.

Virtutis & Fortunæ certamen, in Adverbijs moralibus istis, velut in quodam Stadiodromo, Tibi Lector benevole, præ oculis est quæ illarum palmam teneat, experiendo feras Sententiam. Proposuit illud publico bono Vir Sanguine Princeps, honoribus Magnus Senator, & Regni Poloni, uti nos vocamus, Paterfamilias. Qui si clarè labori suo Nomen proprium

A 2

appo-

⁴
apposuiſſet, ad hanc, quam
modò habet, novam ex ſua
dignitate addidiſſet Lucem.
Sed ænigmate placuit invol-
vi, pravo ſæculo ænigmata,
Virtutis ſcilicet compendia
& diſpendia Fortunæ, locu-
turo. Tu tamen, Optime
Lector, Authoris prodes in
Lucem Nomen, ſi hæc Ad-
verbia moralia moribus tuis
inferueris, ſine quibus ma-
lè compta & connexa Ora-
tio vitæ Tuæ futura eſt.

Vale & fave.



AD

AD



103 Fur

64

AD

ADVERBIVM I.

A D.

*Originem conditionemq̃ humanam expri-
mit. eiusq̃ fragilitatem; & docet quòd ho-
mo, natus sit solum ad BENE
VIVENDUM.*

Ad vos loquor

O mortales !

qui ad cognitionem conditionis
Humanæ,
velut mutaturi, ad fontem NARCISSI,
imò

Speculatores propriæ vilitatis,
ad Speculum laboriosæ miseræ animo
acceditis.

En

*Primus, ad vitam accessus,
Sufficiens ad mortem gradus.*

Est.

Non Priùs

Ad Lucem, quàm ad Luctum.

A4

40

ad inquitum, quàm ad plañctum
oculos aperimus;

Infelicesq;

ad omne malum Nati,

*Per lachrymarũ fluctus, ad miseriarũ mare
deuehimur.*

*Ad fortuna Fallacis obsequium,
Adulterior etas nos ducit.*

Ad cuius

Blandientis malitiã assuescimus tumidi,
mox ad

Ferocientis procellas desuescimus timidi,
Miseri!

Quia ad omnem casum nati,
Misericiores!

Quia ad vitia Procliues,
Miserrimi!

Quia continui ad mortem Peregrini.

**O quantus tamen nobis
miseriæ & vilitatis nostræ
amor inest!**

Ad

Ad habendam Sanitatem, quanta cura!

Ad retinendam Formã, quantus labor!

Ad operiendũ Corpus, quãtus sumptus!

Ad pascendã Carnẽ, quantus appetitus!

Ad implendum ventrem, quanta sitis!

Ad divitias cõquirendas, quãta cupido!

Ad inania famæ, quanta ambitio!

Ad omnia pariter, quanta Vanitas!

Et tamen ea omnia,

Ad quæ nati sumus, cæca sunt.

Ad quæ discenda tendimus, tarda.

Ad quæ assequenda aspiramus, incerta.

Ad quæ colenda inclinamur, fallacia.

Ad quæ spem conuertimus, caduca.

Sola ea,

ad quæ fato descripti sumus,

**Certa nobis, velocia, & immutabilia
superfunt.**

Certa nobis est nascendi origo;

Certa miseria, certa fragilitas;

Certa infirmitas, certus dolor,

Certus finis, certa Corruptio.

Incerta vita. Incerta fortuna.
 Incerta fanitas. Incertæ opes.
 Incerta fama. Incerta possessio.
 Incerti amici. Incerta Posteritas.
 Incerta mortis hora.

Et quod superest

Incerta sepultura.

Vno Verbo,

Ad exprimendū totius miseriæ, vanita-
 tis; & acerbitalis simulacrum satis est,

HOMINEM dixisse.

Quid ergo est Homo?

ANIMAL

Miserum, infoelix, inquietum,
 Sterquiliniū naturæ, mancipiū peccati,
 Instrumentū malitiæ, Scopul⁹ fortunæ,

Navis certa naufragij,

& mortis præda certissima.

Et vita quid est?

Alimentum humanæ miseriæ,
 Spongia calamitatis & vitiorum,
 Flamma Concupiscentiæ,

Fu-

Fumus, Aura, Ventus,
 Pulvis, Vmbra. & Nihil.

Ad quid

Igitur nati sumus?

Certè

Non ad vitia, nec ad Epulas,
 Nec ad Calices, nec ad Ludos,
 Nec ad voluptates, nec ad gaudia,
 Nec ad choreas, nec ad musicam.

NEC

Ad splendidos ornatus,

NBC

Ad colligendas opes.

NEC

Ad satiandos posteros,

NBC

Ad pascendos ingratos,

NBC

Ad victorias inanes,

NBC

Ad temporaneam Famam,

Nec ad cætera

Caduca, & Transitoria.

Sed

Ad quid igitur?

AD BENE VIVENDVM.

**



AD.

ADVERBIVM II.

I N.

*Ostendit in quo nobilitas hominis consistat,
& in quo perfectum bonum sit, docet.*

*In humanis quicunq; versamur,
à caelestibus removemur.*

*In mortalibus quicunq; speramus,
ab æternis repellimur.*

E T

*Dum in voluptatibus, quæ sitisq; delicijs
indignum & vile corpus
fovemus,*

*Animum, ah! quanto nobiliorem,
Nec ullis humanitatis illecebris [quod
absit] comparandum,*

Contemnimus, & calcamus!

*In animo nobilitas
inest,*

Servitute corpori relicta

In animo Dominium

Æterna mens posuit

In

In mancipium corpus elegit,
 In animo radius quidam divinitatis
 clauditur:
 In corpore
 Tenebræ, & Cæcitas
 Omni rationis luce privatâ comoratur,
 In animo ergo dum versamur
 Nobiles Domini, imò Divini
 sumus;

in
 Corporeis dum delectamur,
 Servi, mancipia, cæci, & tenebrofi
 Efficimur.

In animo
 Infinitus Thesaurus est;
 Pretiosa illa virtutum suppellex.
 Proxima Deo Iustitia,
 Infracta Fortitudo,
 Laudabilis Temperantia,
 Moderatrix Prudentia,
 & alia innumerabilis

nulloq;

nulloq; pretio æquanda, Cælestium
 gemmarum
 Congeries.

In Corpore verò
 Quàm horrenda vitiorum venena,
 Nulli contactui secura:
 Aculeata malitia,
 Infirma Fragilitas,
 Immoderata Concupiscentia,
 Cæca præceptsq; Stultitia.
 Et cætera immensa illa, virulentaq;
 In excidium virtutis coniurata,
 Caterva.

Elige quæ cupis:
 Nec Tibi Lydius Lapis esto.

ET

*Si benè vivere eligis,
 Corpus evita;*

ac

In animo totus dege.
 Sic illo tam foedo solutus Ergastulo

Imò

Imò compedibus catenaq; tuī,
à virtutis via, te arcēte
liber eris.

*In animo enim vera Libertas est ;
In animo vera felicitas manet ;
In animo Perfectum bonum consistit ;*
Si itaq;

Animi perfectus cultor es :

Omnia habes .

In animo Rex es , In animo Inviētus ,

In animo Dives ,

In animo virtutum Sodalīs ,

In animo vitiorum Triumphator ,

In animo gloriosus ,

In animo Immortalis ,

In animo deniq;

Proximus DEO.

Quid ergo tibi deest ,
quod

In animo virtutibus Exculto

Non reperias ?

Animus

autem

autem Colitur

I N

Exercendo Iustitiā , Servando Pietatē ,
Calcando Superbiam ,
Conservando Modestiam ,
In non gaudendo de vanis ,
non dolendo de adversis :

I N

Tollendo iniurias , Cōdonādo offensas ,
Benefaciendo inimicis :

I N

Colendo fidelem amicitiam ,
Defendendo veritatem
Sublevando Egenos
Contemnendo Pericula
In vivendo **PARATUS** ad mortem

I N H I S

Si te **EXERCES**

Tunc Benè vives :

&

Beatus es.





A D.

ADVERBIUM III.

A sive AB.

*Demonstrat, à DEO omnia esse; Pieta-
temq; in DEUM omnium virtutum Princi-
pium vocat, docetq; quantum Deo
debeamus.*

Ab Animo.

Totus, quicunq; pendere cupis,
Depende à DEO.

Animus namq; à DEO est.
imò

Deus est animus immortalis,
mens sancta, & æterna,
Scrutatrix mentiũ cordiũq;
Sapientia.

A quo nihil inscium,
à quo nihil absconditum.

A quo

Animus, ratio, virtus,
Perfectio, lumen, intellectus,
B 2 Sum-

Summumq; bonum;
 Tanquam
 à fonte æterno,
 imprincipiabili & intermina-
 bili procedit.

Prima tibi igitur virtus sit,
 D E U M
 recognoscere, adorare, totoq; animo
 venerari.

A D E O enim est,
 Quicquid est.

Quod
 Vivis, habes, lætaris, doles, consolaris,
 A D E O est.

imò
Quod bene agis à Deo est per gratiam.
Quod male à Deo per pœnam.

Considera igitur
 ô Mortalis!
 Quantum illi debeas,
 à quo

Totus

Totus es, totum habes, totum expectas.
 Utq; in mundo multa
 Parentibus, Regi, Dño, Benefactoribus,
 Amicis, debes.

Cur igitur non magis illi,
 qui simul
 Et Pater, & Rex, & Dñus & Benefactor
 imò & Amicus tuus est?

Ita enim
 te dilexit, ita adamavit;
 ille Sanctus, & imortalis Pater
 ut Sanctificatrices manus suas
 Humili flexu
 Ad ignobile lutum extenderit.

Teq;
 Creato & illuminato,
 Formam
 Sui in te,
 dein
 Tui, in se
 Transtulerit.

B 3

Ab

Ab hoc igitur

Totum recognosce;

ab eo

totus depende;

Illi

Totum te animo debe;

Illum

Humili & casto corde adora;

Illum

Toto animo atq; totis viribus reverere.

Nihil quoq; facere cogita,

Quod

à DEO non incipias.

Principium enim perficit opus.

Principium autem omnium

DEUS est.

Ergo

Initium à Deo, Perfectio est Operis.

Nunquam melius ages,

Quàm

Si DEVM adiutorem vocaveris.

Artifex

Artifex Coeli & Terræ

EST.

I M Ò

Artifex tui, qui agis.

Ille Te,

Movebit in bonis, docebit in dubijs,

Fortificabit in adversis,

Pro te agit in arduis.

A DEO ERGO,

Totum

Pete, Spera, Incipe,

A DEO enim

Est Virtus Tua

A Deo fortitudo, A Deo Perfectio,

A Deo gratia, A Deo Consolatio,


A Deo victoria, A Deo Gloria.


V N D E

quicquid agis

A DEO INCIPES,

ET BENE AGES.





A D

ADVERBIUM IV.

U T.

*Docet aequitatem, iustitiâq; in omnibus
servandam; & quod sine ea diuturnum nil
esse possit.*

*Vt domus non cadat fundamento opus est:
Vt mundus nō pereat iustitiâ & Æquitate.*

Hac sublatâ,

Labile est domicilium virtutum.

Vt Ergo

**Virtus, orbisq; perennet,
Hanc tibi imprimis firmare oportet.**

Illa enim est

Scutum præsidiumq; vitæ.

Illa

Templum & Sacrarium virtutum.

Illa deniq;

**conservatio & robur,
Omniū rerū, divinarū, Humanarumq;.**

Vt Deus adoretur

B 5

Iusti-

Iustitia iubet.

V T

Lex iusq; suum orbi serviat,

Iustitia exigit.

V T

Secura cuiq; vita,

Honor, virtusq; maneat illæsa,

Iustitia defendit.

V T

Innocentia & veritas clara videatur,

Iustitia illustrat.

V T

Sancta virtus

Vitijs potior eligatur,

Iustitia svadet,

Vt deniq;

Felix beataq; vita, à sceleribus aliena,

exerceatur

Iustitia commendat, efficitq;.

Et sic

ad omne

Bonum, Beatum, Perfectum,

Sola

Sola Iustitia

Via, lumen, motivū, dux, comesq; est.

recteq; vocatur

Lampas divinæ Claritatis.

Per illam enim

Mens æterna,

Scrutatur tenebras humanitatis nostræ,

regitq;, & castigat.

IDEO

Quò quis eam perfectius exercet,

Eò propior DEO est.

Dicitur quoq;

Sol omnium Virtutum :

Eam enim

Sol Iustitiæ, & Veritatis,

velut Solem dici,

Ita virtutibus præposuit :

Vtq; ille stellis, sic hæc virtutibus,

Præluceat.

unde

Sicut DEVS est Sol inter justos,

Sicut

Sicut Sol est Sol inter Stellæ,
Sic Iustitia est Sol inter Virtutes.

Sic & Tu,
Inter homines

Si Iustus es, Sol es,
Cæteri Tenebræ sunt, umbra sunt.

Perfecta autem IUSTITIA
In hoc vel maxime consistit:

Vt nihil statuas, eligas, jubeas,
nullamq; legem feras,

Quæ sit Deo & virtutibus contraria.
Vt primus sis ad exercenda ea,
quæ in alios statuis.

*Niquum enim est statuentem propriam
lege convinci.*

V T

Virtutem veram

Diligas, præmies, compenses.

Vitia, Scelera,
omnesq; Excessus
abomineris,

defendas, castiges.

Vtrumq;

Vtrumq;

non ex affectu, vel passione aliqua,
non ex commodo, vel spe gratiæ,

Sed

Ex puro amore Virtutis, & odio Sceleris:

V T

nihil temere judices,

Nulli parcas ex affectu,
nullum damnes ex odio,

Totum ex probato,
nihil ex opinato:

V T

Veritatem exhibeas;

Omnemq; falsitatem, & mendacium
abomineris;

ne

Aut innocentia alterius cadat

in condemnationem,

Aut peccatum exaltetur in Gloriam,

Hæc omnia,

V T

Per-

Perfekte Iustus sis
Observare tibi expedit.

JUSTITIA verò
est Fundamentum virtutum.

imò

VIRTUS MAGISTRA.

Per quam

Ad cæteras exercendas
Facillimam viam invenies.

Per Iustitiam

Eris bonus:

Nam neminem lædes, nec opprimes.

Eris Pius:

Nam reddes DEO, quod DEI est.

Eris Fortis:

Nam nihil te expugnabit à veritate.

Eris Patiens:

Nam ex affectu non judicabis.

Eris Temperans:

Nam nihil appetes, quod non sit tibi
conveniens.

Eris

Eris

Modestus, & Humilis:

Nam judicabis de te quid sis.


Paucis Loquar.

V T

Compendium Virtutum voceris,

JUSTUS ESTO.





A D

ADVERBIVM V.

NON.

*Fortitudinem animi commendat &
ostendit, quàm utilis sit & gloriosa.*

Non vis cadere,
munias te Animo.

Non vis perire,
Arma te mente.

Et ad omnia, quæ cum animo tuo
luctantur,

Inexpugnabilem te redde.

Nullum gloriosius est munimentum
Quàm

mens infracta & inconcussa.

Nō ferro domabilis; Nō auro vincibilis;
Nō ore flexibilis; Nō metu frangibilis.

Ad omnia pariter
animus firmandus est,

Vt à virtutis veritatisq; custodia
non moveatur.

Thesaurus incomparabilis tibi est

C

Virtus

Virtus & Veritas.

Oh !

Quanta erunt adversùs te monstra,
 quæ te petent ,
 ut te

Ab illa repellant !

Quàm multa terrebunt, ut absterreant !
 Quàm multa movebunt, vt amoveant !

Tu autem

Fortis esto

Virtutemq; & Veritatem

Vnicum vitæ tuæ solatium,
 Vnicum miseriæ humanæ decus,
 Vnicum Divinitatis pignus,
 Ita animo defende :

V T

Non bonis, Non adversis,
 Non auro, Non ferro,
 Non voluptatibus, Non tormentis,
 Non pretio, Non metu,
 ab illa movearis.
 adeò

Vt

Vt etiamfi

Fulmina in te petant,
 Maria adversus te insurgant,
 terra contra te pugnet,
 Flammæ diram tibi mortem minentur.

Tu tamen,

Fortis, & firmus,
 Constans, & immutabilis,
 Tanquam Petra immobilis

In

Colenda tuendaq;

Virtute & Veritate
 persistas.

Petent te homines ?
 non abeas.

Quærent te munera ?
 non cures.

Oppriment te invidiæ ?
 non metuas.

Affligent te mala ?
 non cedas.

C2

Per-

Persequentur te homines?
non moveare.

Cruciabunt te tormenta?
non vacilla.

*Virtus namq; & Veritas
in manu Dei sunt.*

*Nec quisquam perire potest, qui ea verè
fideliterq; custodit.*

Quia manus Dei est cum eo.
Collabi autem non potest,

Qui à Deo
regitur.

Vide ergo

Quàm securum te reddere potest
animi tui fortitudo.

Quàm fortem & infractum
Solidæ mentis robur.

Quàm audacem omniumq; malorum
Contemptorem,
Animus ipse tuus;

Si verè animus est simplex & purus
omnibusq; passionibus Corporeis

Solu-

Solutus & Liber.

Hic

Si talis est,
Tuq; in illo versaris,
Fortis esto,

Nil metue:

Nam

Animi incola es;

Cui non quidpiam nocere
potest.

non illum mors extinguit,

non vulnus afficit;

non invidia verberat,

non flamma adurit,

non Passio torquet,

non persecutio alterat,

*Immortalis enim est, nulloq; corporeo malo
corruptibilis:*

Quem tibi nemo auferre potest,

Quia æternus est.

C3 In

In hoc ergo
confide,
Fortemq; & infractum te præbe,
vt nihil te abstrahat
à Virtute.

in qua
Omnis vis fortitudoq; inest,
Non ne æstimabilis est Clypeus,
quem missile tellum non penetrat?
Non ne laudabile est propugnaculum,
quod tormentilis globus non sternit?
Non ne deniq; gloriosa est Civitas,
Quam hostilis manus non expugnat?

Oh!
Quantò gloriosior est
animus,
Virtutis veritatisq; præsidio
circumseptus!

Fortis & invincibilis,
Quem
Non illecebræ expugnant,

Non

non metus prosterunt,
non adversa penetrant
non pretia possident.

Fortalitium Virtutum
est,

Arx Gloriæ, & Perfectiōis,
Tabernaculū divinæ virtutis,
Totiusq; gratiæ & Summi Boni
Fulcrum & Firmamentum
FORTITUDO.





A D.

41
ADVERBIVM VI.

S E D.

*Æquanimitas quid sit qualisq; esse de-
beat docet, & qualiter passionis animi
solleranda.*

Sed quid dices,

Si te

Continuus aduersorum ordo

Furens fortuna, inimica Paupertas,
Gravis infirmitas, humanum odium
Inevitabilis calamitas

Certaq; mortis vexabit formido?

Fortasse

Planges, mæst⁹ eris, lacrymas absterges,
Sulpirabis gemendo, solatium petes,
Deplorabis effuso luctu
miserae sortis immanem conditionem.

Nequaquam. Absit,
vt ea doleas quæ curare non debes.

Cave,

C s

Ne

Ne ob ea mærearis, quæ contemni
merentur.

Vide,

Vt pro ijs non desperes,
In quibus spes tam fragilis est,
tam caduca.

Sed

Quomodo non dolebis,
Si omnia temporanea bona,
Omniaq; vitæ tuæ solatia,
Te derelinquent?
Petent vitam inimici,
Falsi testes insurgent,
Iniqui Iudices damnabunt,
Rapietur tibi honor,
Facultates, opes, Pecuniam,
hostis, casus, fur,
auferet,
Domum ignis consumet,
Parentes, coniunx, Liberi, Amici,
morientur tibi, imò inimici evadent
Prodent, deserent, oppriment.
male

male de te loquentur homines,
odia te petent.

Omne deniq; malorum genus,
Vt solum affligare
tibi minabitur;

Quid ages? Quid facies?

Ergo

Tot malis pressus vexatusq;
Adhuc animum cruciabis?

Animum dicam,
Liberum & Innocentem,
Qui tibi horum reus non est?
Sumes vindictam de eo,
cùm ab alijs læsus sis?
Opprimes consolatorem tuum?
Custodem tuum series?
medicinam tuam in venenum
transformabis?
Nequaquam
Lætare ô mortalis in exercitio tui,
imò

æmulare cum malis,
Non muta animum,
Idem esto.

Iniquum enim est

ut lævienti fortunæ

Inimicæ tuæ, Belluæ tuæ,
Devoratrici honoris, Bonorumq; tuorū
Cum omnia tibi absumplerit,
ad huc illi animum abijcias.

Nil ergo timeas,

Nil doleas.

Cum æquanimem te esse deceat,
ac in omni Fortuna

Pari animo moderari.

Ea enim omnia

Quæ tam sollicitè amas,
& ob quæ perdita tantum affligeris,
nihil sunt.

multò nobiliora maioraq; tibi restant
quæ eripi non possunt.

Petitur vita tua!

Sed

animus

Animus adest immortalis.

Qui nec mori potest, nec perire
Obscurant te contumelijs falsi testes?

Sed

Veritas clarior est Sole:

quæ Supremū lumē cognoscit & videt.

Damnant te Iudices iniqui?

Sed

habes **ÆTERNUM**,

qui te aliter iudicat.

Rapitur tibi honor?

Sed

non perit.

Quid interest?

An in manu tua sit, vel alterius
Semper tuus est, ubicunq; est.

Pereunt tibi opes,

desunt Facultates?

Sed

Adsunt maiores divitiæ,

Virtus, ars, ingenium.

Prudentia, boniq; mores.

Qui

Qui certiores sunt acquirendarū illarū
modi.

Moriuntur tibi

Parentes, Coniunx, Liberi, Amici?

Sed quid?

Si eò abeunt quò & tu abibis.

Moritur quidem Parens?

Sed

manet tecum supremus omnium Pater

Æternus & immortalis.

Moritur Vxor?

Sed

Vivit virtus *melior vitæ socia*
quam omnes aliæ mortales.

Moriuntur Liberi?

Sed restant

Bona piaq; Opera

nobiliores animi tui Partus.

Quia æterni sunt, & tecum mansuri.

Malè de te loquuntur homines?

Sed

Tu tacendo peius de illis,

Si

Si rectè agendo mendaces illos
ostendis.

Habes ergo omnia,

Quæ tibi æquam in adversis mentem
suadere possunt.

Æquanimis autem es

Cùm omnia, quæ amas, propter virtutē,
contemnis.

Nullaq; te cruciant
nisi

Quæ virtuti sunt inimica.

Ea verò

Quæ vana sunt ac per se peritura
Sponte melius libensq;


Proijce.

N A M

Omnia tibi omnes auferre possunt

Sed

Virtutem nemo.





A D

ADVERBIUM VII.

C U M.

Temperantiam suadet, qualiterq; in desiderijs & passionibus regere se homo doceat, docet.

Cùm alijs imperare cupias,
cave!

Ne primus sis, qui tibi obedias.
Cùm alijs subesse nolis,
stude!

Vt tibi totus subsis.
Cùm alios domare præsumis,
cûra!

Vt prius tibi Froena imponas.
Cùm pugnare desideras,
constringe te prius!

vt tecum pugnes.
Cùm deniq; victor esse ambias,
Enitere!

Vt prius, DE TE, triumphes.

D

Nullum

*Nullum fortius est, quàm quod secum fit
Prælium.*

*Nulla gloriosior,
Quàm de se ipso Victoria:*

Vide,

Cum quanto studio inimicos quæris,
Vt de ijs vlciscaris.

Cum quanto labore acies componis,
firmas, ordinas;
Vt inimicum confundas.

Cum quanto sumptu arma conquiris,
ut infenso hosti

Robustum pectus opponas.
Sed ad quid hæc?

aut

Cui bono, tot armamentaria Vanitatis,
tot gladij inanes?

aut

Tot vanis ictibus gravidi Clypei?

Si

Inimicum dum extra debellas,
Intus latet gravior,

&

& non vides!

Foris Cyclops es, intus Pygmaeus.
In campo præliaris, & domi
hostem habes?

Quem oppugnare non audes.

Opprimunt Te graves,
Imò infensissimi inimici;

Præceps ira, mordax odium
Pungens amor, venenata Invidia;
quibus tu

Distractus, ac Dilaceratus,
& quasi in Te divisus,

Non prius tecum bellum incipis,
Quàm cedis:

Ipse tu à te ipso victus,
Spolium tui,

imò

Captivus, & infame mancipiū,
in triumpho duceris.

Oh!

D 2

Turpe

*Turpe & indecorum bellum,
non pugnare & vinci!*
Quomodò alios, qui tui non sunt,
Tuis legibus subdere præsumis;
Si tu ipse,
Qui tui iuris esse deberes,
tui non es?

Cogita Ergo.

Quod Bellum eligendum tibi sit
& quæ victoria quærenda?
Tecum tibi res agitur, nō cū quopiam;
*Nullus adversior restat hostis,
Quam Tu tibi.*

Tecum imprimis præliandum tibi est,
Victoriam cura.

Affectus tuos,
Qui te cruciant, qui te ligant,
In te vince.

**Animum tuum arma,
Ut illum**

Nullæ

Nullæ internæ penetrent passiones:
Virtutes in acie constitue,
Ut contra illas pugnent:
Et sic gloriosior quàm mille hostium
Victor Eris.

Cum ira te vexat,
Voca prudentiam, & vinces illā
furorem.

Cum odium te persequitur,
Vtere charitatem;
Et flectes illā crudelem animum.
Cum deniq; Invidia te adurit,
Adhibe Generositatem;
& crede alios ijs gaudere bonis,
Quæ tu prius contempsisti.

Sicq; iam
Domitā irā, Victo odio,
Frænato amore, Conculcatā invidiā
Tecum

Pacem stabilito,
Proijce laurum, sume olivam;

D 3

illaq;

illaq; vera tranquillitate
lætare,
Quæ cum vitijs & affectibus
Nullo lætatur consortio.

Tunc primum
Victoris eris;

Tunc
Dominus tui ;

Tunc
Pacificus animi, mentisq;
Possessor :

Cùm
Positis de te Trophæis,
Inviçtus tibi & integer
videberis.

Tum demum
Restitutor Tui ipse
vocaberis;

imò
R E X,

Trium-

Triumphator Gloriosus,
Veræq; Pacis.
& Fœlicitatis
Civis & Incola.





A D

ADVERBIVM VIII.

INTER.

Prudentia quid sit, & in qua consistat, docet.

Inter Humana
versanti tibi,
Mortali, Peregrino,
Cæca & anceps proponitur via,
Misero Viatori, terreno
Hospiti,
Dubio & inexperto, insoelici,
& cæco.

Tam obscurum & fallax,
quis monstrabit iter?
Inter plana & ardua eundum tibi erit,
Quis sponfor?

Quod
Inter tot infinitas dispersasq; semitas
Perges securus,
aut ignarus non errabis,

Inter

Inter tenebras,
 Obscurumq; vitæ chaos,
 Pergendum tibi erit.
 Inter spinas, & aculeos,
 Inter Saxa, & ignes,
 Inter abrupta, & aspera,
 Inter cœca, & præcipitia,
 Inter infinitas animi tui insidias,
 Periculose transeundum,
 Opponentur tibi aspera,
 Quæ te à gloriæ virtutisq; via arcebunt,
 Adumbrabunt nemora invidiæ,
 Umbrosiq; perversi consilij frutices,
 Qui tibi virtutis semitas intercludent.
 Invitabunt Blanda Voluptatibus prata,
 Quæ ad mare vitiorû facilem & amœ-
 nam viam ostendent,
 Allicient CrySTALLINÆ vanitatis glacies,
 Quæ plani, sed lubrici decursus,
 Speciem præferent;
 Avocabunt excelsi ambitionis montes,
 Fulmini & Casui Sacri,

Qui

Qui

Exponent, Corruent, & conquassabunt.

In quolibet verò

Tam dubij & periculosi itineris
 passu,

Multa occurrent, quæ placebunt,
 Plura, quæ absterrebunt,
 infinita,

quæ Præcipitabunt.

Sed Oh! quam Pauca & vix ulla,
 quæ verum certumq; ad gloriosam vir-
 tutem iter docebunt, & monstrabunt!

Inter hæc igitur

Tam cæca, & dubia, tam fallacia, &
 lubrica, tam incerta, & abscondita,
 ne ignarus erres,

aut

Inexpertus pereas,

Pro lumine tibi sit

PRUDENTIA.

illa verò

beata

beata, puraq;
ab omni fallacitatis & deceptionis fugo
soluta, & purgata.

Illa sola,
Virtutum ministra,
Lydius lapis, boni & mali,
Princeps & Magistra vitæ
Humanæ.

Sine qua,
tanquam sine lumine,
nec possumus quidpiam cognoscere,
nec quidpiam eligere,
nec quidpiam discernere,
nec quidpiam resolvere,
nec quidpiam cavere.

Hæc tibi inter omnia
Dux, comes, custos præsidiumq; erit:
imò

Angelica & tutelar virtus;
quæ tibi in tam fallaci ac dubio
viæ vitæq; cursu,

veram

veram, & infallibilem
Virtutis gloriæq;
Semitam, & normam, ostendet.

Illa verò
Certa & pura Prudentia est,
Quæ versatur, vt dictum est.

Inter.
Cognoscendum, eligendum,
discernendum, resolvendum,
& cavendum.

Imprimis ergo
Cognoscenda est,
Propria conditio, Latens defectus,
occasio exercendæ virtutis, cuiusq;
rei tempus.

Exemplum præteriti
Possibilitas præsentis, necessitas futuri,
Aliena Veritas, & tua fragilitas.

Eligenda est,
Virtus ante omnia,
vtile post omnia,

Gratia

Gratia sine interesse,
amicitia sine fūco,
Honor sine vanitate,
fortuna sine periculo.

Discernendum est,

Inter Virtutem & vitium,
Veritatem & mendacium,
Vanitatem & gloriam,
Amicitiam & adulationem,
Iniuriam & negligentiam,
Malitiam & impotentiam,
Beneficium & necessitatem,

Resolvendum est,

Id quod est rectum, quod est iustum;

Quod est laudabile,

Quod est à bonis vſitatum,

Quod est diu reſollectum,

Quod rectior ſvadet,

Quod opinio non deſcepit,

Quod pertinacia per vim non expellit,

Quod tempus permittit, quod poteſt
fieri, & quod aliter fieri non poteſt.

Cave-

Cavendum deniq; eſt,

Ab ocaſione ad vitium, à iudicio
temerario,

Ab affectibus intemperatis,

Ab homine mēdaci, ab omni ſimulato,

A proprij oris Laude,

A commercio perversorum,

Ab ambitione non ſecura,

ab otio inani, à petitione importuna,

à medijs violentis, à ſuſpicionē temera-
ria, & à nimia fortuna,

In his ergo.

Potiſſimum conſiſtit, vera & nō fucata

P R U D E N T I A.

Quæ docet, vno verbo,

Eligere inter bonum & malū,

Cognoſcere inter ſe & alios,

Discernere inter vera

& fucata,

Reſolvere inter tuta

& periculosa,

Cave-

Cavere inter insidias
& fortunas.

Quæ omnia
Propter cognoscendam, eligendam,
discernendam, resolvendam,

Virtutem,

Cavendumq; vitium,
forti animo exerceantur :

eo modo ;

ut quidquid à nobis
agitur ,

Prudentia vocetur.

Hæc enim sola,

Lux est animi ,

Clavis Virtutum,

Pons securus super vitia ,
Magistra & moderatrix vitæ
humanæ .

Ut

Sicut inter vitia

Cœca

Cœca temeritas est quædam
Tenebrosa Abyſſus ,

Ita

Inter Virtutes

Praclarum & incomparabile lumen ,
est

PRUDENTIA.



E



A D.

ADVERBIVM IX.

S l.

*Commendat clementiam, iram & Vin-
dictam condemnat.*

Si scires,

Quàm inhumanum sit irasci,
nec sentires, nec faceres

Iniurias.

Si videres,

Quàm immane sit vlcisci,
nec redderes, nec reciperes

Vindictas.

Si cognosceres,

quàm indignum sit damnare,
nec iuberis, nec timeres

mori.

At verò,

Si crederes,

Quàm pium Humanumq; sit,
non commoveri iniurijs,

E 2

&

& haberes, & donares
quietem.

Si perspiceres,
Quàm magnanimum sit parcere,
& faceres, & acciperes
gratias.

Si considerares
Quàm gloriosum sit salvare,
& alijs dares, & tibi augeres
vitam.

*Nihil magis infelix servileq;
Quàm otta ex passione servitas.
Nihil equè felicius Regiumq;
quàm fundata in ratione Clementia.*

Regina hæc,
illa serva est.
Lumen hæc,
illa cœcitas.
Gratiarum hæc,
illa furiarum
Filia.

Hæc

Hæc divinæ bonitatis,
illa infernalis malitiæ
Speculum, & Imago.

Si ira adest,
Quies cedit, furor sequitur.
Si clementia accedit,
Pax florescit, concordia colligitur.
Si vindicta struitur,
Offensa crescit, odium accenditur.

Si venia superat,
Amor candescit, ira extinguatur.
Si supplicium paratur
Inimicus gaudet, proximus moritur.
Si clementia absolvit,
Hostis perit, amicus nascitur.

Vide Ergò,
quàm foedæ & ignominiosæ sunt res,
Ira, Vindicta, Supplicium.
& è contra
quàm pulchræ & gloriosæ virtutes,

E 3

Beni-

Benignitas, Venia,
Clementia.

Sed tu,
qui longè ab illis distas,
amarâq; irâ, exacerbatum pectus
tali virtutum dulcore non demulces,
nihil differs
à feris brutisq;
nisi quod illis peius,
quia deliberatiùs, noces.

imò

Sæpè tibi magis, quàm alijs.
candet immane Cor,
Scintillant flammei Oculi,
nunc pallent, nunc rubent gravidæ
veneno Genæ,
Pungit os, Ferit manus;
misera belluinæ iræ instru-
menta,
ad arbitrium impetus fatigantur.
totumq;

totumq; infelix corpus
voluntariâ flammâ consumitur.

Hæcine est victoria,
Quam de adversario tuo obtinere
præsumis?

Hæc ne consolatio,
Quam in recompensam iniuriæ tibi
factæ proponis?

O miserum & infelix
Solatium!

Nondum felicem te arbitraris,
si priùs de offensore non vlciscaris?
Non putas potentem te esse
Si inferiori non sis gravis?
non credis te posse fieri victorem,
si priùs de alio non sumas poenas?
si non sanguinem spargas?
si cruore non foederis?
Si strictum gladium crudeli manu
non evagines?

Quàm graviter falleris !
 quàm iniuste gloriaris !
 quàm indignè triumphas !
 Si in ijs laudem gloriamq; tuam statuis,
 quæ immanes belluæ venenatiq;
 Scorpiones, imò viles
 muscæ & minuti
 pullices
 Exequuntur !
 In eo verò, quod summo
 conveniens est Deo,
 Ignominiam tuam arbitraris !
 An nescis
Deum per beneficia cognosci ?
 Vnde & tu
 Si Deum imitari
 dignum ducis,
 Inimicis condona :
 imò.
 Beneficijs vince.

Nun-

Nunquam gratior DEO es;
 Quàm
 S I P A R C I S.





A D

ADVERBIVM X.

D E.

*Modestiam extollit, Superbiam de-
primit, & vituperat.*

De honore hîc agitur :

Qui tibi, vt opinor, tam pretiosus est.

De quo

Suffulto gaudes, perditio doles,
acquisito gloriaris.

De quo

tanta à te spargis, ab amicis prætendis,
ab inimicis exigis.

De quo deniq;

tam multa speras, plura narras,
plurima fabularis.

De hoc dico, hîc agitur,
tam caro, tam sollicito, tam pretioso.

Zelosa est materia :

De qua

tantùm tibi interest.

Vis

Vis ne scire quid sit ?
dicam.

Ecce honor tibi moritur, & taces.
Sed quid dico ?
imò

Propterea expirat, quia nimium
loqueris.

tuo à te veneno decedit.

tu ipse arbiter illius es.

tu dominus, tu quoq; homicida.

Arbiter,

quando in illo moderaris.

Dominus,

quando ille tui, non tu illius servus es.

Homicida,

quando superbia tua occiditur.

Cognosce ergo.

quâ morte honor tuus moriatur,

quâq; vitâ perennare debeat.

disce.

Superbia

mors

mors est honoris.

Conservatio & remedium;
est

Modestia,

ILLA extollit, vt præcipitet;

HÆC humiliat, vt exaltet.

ILLA loquitur, vt confundatur;

HÆC silet, vt commendetur.

ILLA ostentat, vt contemnatur;

HÆC latet, vt perquiratur.

Superbia

Est vitium tumens, Filia stultitiæ;

Mater Infamiæ.

Modestia

Est Virtus decora, Filia Pru-

dentiae, Mater Honoris.

Superbia

est umbra nullitatis, Cyphra vanitatis;

mons præcipitij, Abyssus perditionis.

Modestia

est

est Lumen perfectionis,
 Numerus gloriæ,
 Vallis securitatis,
 Porta salvationis.

Elige ergo.

Vbi tutius Honor tuus degat,
 & conclude,

Quod domicilium illi constitues.
 Falleris, crede mihi,

Si

Superbiam nominis tui præsidium
 arbitraris.

Hostis est, qui te famâ spoliât,
 Fur est, qui tibi nomen aufert,

Tumulus qui tuam laudem sepelit.

Laus verò dupliciter oritur.

vel

de re, vel de ore.

Si de re?

En plus acta loquuntur.

Si de ore?

En

En tot oriū documenta, quot hominū,

Satis est,

tu age, non loquere.

Vbi Virtus, ibi Gloria.

*Quicquid de te, provenit à te,
 non habet fidem.*

*Nemo mendacior de quopiam est,
 quàm Superbus de se.*

Vtiq;

Nihil donare tibi ipsi potes.

*Oportet ut ab alijs habeas, quod donum
 voces.*

*Pulcherrimum autem munus
 ac pretiosissimum tibi est, Honor.*

Ergo illum

Non à te, sed ab alijs

Expecta.


Tace ergo, ac disce:

Alios, non te honora.

&

Cum minimum de te credideris

MAXIMUS ERIS.





A D

ADVERBIVM XI.

PROPTER.

*Liberalitatem laudat, beneficium distin-
guit, ingratitudinem damnat.*

Propter Egenos,
non

Propter ingratos,
Liberalitas nomen habet.
Nobilissima Virtus.
Generosi animi, consors pul-
cherrima,
Hortus Publici solatij,
Speculumq; cœlesti munifi-
centiâ fulgens, & radios
gratiarum
In inferiora repercutiens.

libera VIRTUS,
liberisq; animis Digna;
& ex eo liberalitas dicta,

F

Quia

Quia

Non coacta, nec servilis,
nec interessata, nec attrita.

Sed

ex se dependens, & libera,

Liberè alit, quos vult,
fovet, nutrit, & foelicitat.

Humanamq; fortunam

Plenâ virtutis beneficiâ secundat,
Nil eâ dignius animus noster habet,
quo in subiecta sibi vtatur.

Vere aurea est Virtus,
Foelicitatis communis
gemma incomparabilis,
Thesaurusq; beneficus

Virtuti sacer,
Orbi foelix, Cœlo gratus
Recipienti memorabilis,
Dispensanti gloriosus.
Quisquis ergo es

quem

quem suprema Voluntas
Propter opulentioris fortunæ abun-
dantiam
in exercitium Liberalitatis elegit.

Scito

Thesaurarium te esse cœli,
& in ijs,

Quibus gaudes divitijs,
Alios tecum partem habere.
Alios autem dico,

non omnes:

Quia tantum liberalitate dignos,
Cœlestiumq; gratiarum communica-
tionem nullo abusu excipientes.
Opes divitiarq;, quas habes,

Virtuti

Sacræ esse debent.

Vnde

non nisi ex virtute,
aut propter virtutem,
distribuendæ.

F 2

Nec

*Nec gemma ante porcos, nec beneficia
ante indignos projicienda.*
ijs tantum, quos inimica virtuti egestas
gravi necessitate oppressos premit,
& afficit,

Effusè subveniendum est
miseris, egenis.

Inter virtutem & fortunam calamitosos
luctantibus,
gratis, generosis, modestis:

Quos

aut fortuna spoliavit,
aut invidia conculcavit,
aut saltim debilis nascendi fors,
ab innata pauperie non vindicavit.
Non vero ijs;

quos

insatiabilis Avaritia
vitioso opum anhelitu infectos,
turpiter serviliterq; ligat, & incatenat.
indignè non sunt eiiciendæ opes:
superbis irreplebilibus.

inter

inter miseriam & malignitatem
degentibus,
ingratis, servilibus, inhumanis.

Quos,

aut impotentia à vicio retinuit,
aut scelus altiùs enexit,
aut sufficiens nascendi facultas
vitijs non virtuti
commendavit.

HIS OMNIBUS

Liberalitas non valet.
Pestes sunt, & venena,
Sterquilinia, & immundæ fæces;
Quibus ad Thesaurum Liberalitatis,
Soli virtuti Sacratum,
nullus pateat accessus.

Vides,

ut

S O L

aureum Cœli Sydus,
thesaurus lucis,

F 3

bene-

beneficus orbis Planeta
& communis viventium Benefactor.

Cuncta

Liberali foecundoq; luminis sui radio,
fovet, & illuminat,

Et tamen

Non penetrat ingratas terræ latebras,
Nec illuminat voraces ventorum indi-

gnasq; coelo cavernas,

*Non clarescant beneficijs,
qui illa ingratitude adumbrant.*

Disce igitur,

Quem assignes liberalitati gradum,

Tam pretiosa Virtus,

Non nisi propter dignos locum habet.

Quam

Vt & tu digne exercere
memineris,

Cornucopias divitiarum tuarum

In publicum effusas,

Pro

Pro symbolo tibi depinge.

adde lemma

NECESSITATI

&

VIRTUTI.





A D.

ADVERBIVM XII.

SEMPER.

Quid sit constantia ostendit, & quomodo
à pertinacia differat.

Semper placeat bonum, quod semel placuit.

*Semper displiceat malum, quod semel
displicuit.*

*Semper laudet os, quod laudandum semel
laudavit.*

*Semper damnet lingua, quod damnan-
dum semel condemnavit.*

*Semper perficiat animus, quod operandum
semel proposuit.*

*Semper respuat mens, quod fugiendum
semel deseruit.*

Virile est

Idem semper velle, idemq; nolle:

*& quod Virtuti socium est, pro leuitate
non mutare.*

Fulcrum Roburq; Virtus est

F 5

CON-

CONSTANTIA.
 Excella moles est Virtus,
 Corruet non suffulta.

Persistere oportet ut virtus sit perfecta.
Nunquam gloriosior crescit, quam dum
perficitur.

Nunquam citius perit, quam cum
deseritur.

Inter
 Hominem & actionem,
 Virtus vertitur.

Homo perficit opus, hominem virtus,
Virtutem Constantia.

Sed
 quot quantiꝑ; sunt illi,
 Quos aura movet, ventus agitat,
 Fatuusꝑ; levissimæ fortunæ ignis
 Huc & illuc
 propellit!

O!
 Quanti viles & Infœlices.

Cha-

Chamaleontes auræ,
 Arundines infirmæ.
 Rotæ ventosæ, mobiliaꝑ; perpetua
 Vanitatis!

Quos
 Semper
 inconstantes

aut Favor popularis immutat,
 aut assentatrix opinio hebetat,
 aut volubilis Fortuna circumvolvit,
 aut variabilis pro affectu voluntas,
 perpetuò movet,
 agitatꝑ;.

Ipsi sunt Ludibria sibi;
 Fumi, Plumæ, umbræ volatiles, aleæ
 proiectiles, pro arbitrio levissimæ vo-
 luntatis fortunæ, non integri,
 sed semihomines,
 Miseri, viles, indigniꝑ; nomine
 virorum.

Tam turpia
 dedecoraꝑ; VIR O vocabula,

Inconstans mereâre ,

Constantiam

in nominis gloriaq; tuæ basim

Tibi propone.

Illam verò simplicem,

Nec ullo pertinaciæ errore adumbratâ

Constantiam.

Virtutis Fulcrum ,

non vitij .

Semper

Firmam, stabilem, perpetuam, immu-

tabilem, virilisq; & digni virtute

animi

robur, & gloriam.

Cuius

ut perfectus gloriosusq; cultor evadas,

Disce

idem SEMPER esse.

*Nihil enim turpius est viro, quàm in
horas mutari.*

Con-

Constantiam vero.

Semper his,

maxime in his :

Debeto.

DEO

PROXIMO

VERBO

TIBI

in Fide & amore,

in } prosperis & adversis,

in } dictis & promissis,

in } operibus & volûtate.

In his ergo.

Constantiam

tuam


Proba. Serva. Exerce.

Vno verbo ,

Vt Perfectus vir voceris;

**Nihil unquam malum perti-
naciter defende;**

**Omne semper bonum Con-
stanter tueâre.**





A D.

ADVERBIVM XIII.

ADHVC.

Patientiam malorum remedium esse, virtutumq; non postremam ostendit.

Adhuc

Tibi restat

PATIENTIA.

Egregia virtutum tuarum

Epilogus,

Soror animi invincibilis,

Filia Fortitudinis,

&

Constantioris gloriæ, Fortunæq; tuæ.

Mater certissima

HANC VITAM

In complementum Perfectionis tuæ
tibi adscilce.

Disce Pati

Et temnere ad-versa virtus est,

& tolerare.

Hæc

Hæc sola est;
 Quam Æternum Numen
 Pro Sigillo gloriæ & perfectionis Cœ-
 lestis sibi proposuit:

Quasi
 Demptum quidpiam virtuti suæ ratus,
 nisi Pateretur.

Divina Virtus est:

Quia
 nimium hominibus ardua,
 eoque cœlestis gratiæ plenior;
 Quò humanæ imbecillitati ad exe-
 quendum
 difficilior.

idcirco
*Nihil utilius homini est
 quàm Patientia*

Quia
 Nihil sæpius
 Quàm afflictio & angustia.
 Nonne vides,

Quàm

Quàm dura malorum catena
 Crudelissime te stringit?
 Graues tibi sunt compedes
 Fortunæ?

Adhuc

Graviores erunt,

Si Patientia non alleviat.

Immanes sentis Humani odij flammas?

Adhuc

Immaniores senties

Si illas Patientiâ non extinguēs.

Crudeles tibi videntur persecutiones

Inensorum?

Adhuc

Crudeliores apparebunt;

Si illas Patientiâ non repelles.

OMNIA HÆC

Fortitudinem tuam probant.

Afficiunt, ut explorent.

Explorant, an impriment?

Tangunt, an movebunt?

Pulsant, an penetrabunt?

Percutiant, an prosternent?

Tu verò

murus esto.

Nec probanti mollescas,

Nec tangenti moveâre,

Nec pulsanti cedas,

Nec percutienti succumbas.

Quæ vim non impriment in te,
resilient à te.

Cedent Adversa.

&

Faventiori Fortunæ domicilium
relinquent.

Tranquillior redibit

Post Patientiam Fortuna.

Ac

Ac

Quod iniuria evertere non potuit,

Fœlicitas perficiet.

Patere ergo

Nec adversis responde.

Indignum enim est ut cum Fortuna
votiferes;

Qui cum virtute loqui elegisti,

Illi, Silentium,

Huic, Exercitium,

Debeto.

Ut

Illam contemnas,

Patientiam elige.

Ut

Illam non sentias,

Huic consentias.

Ut

Illam superes,

Huic obtemperes.

G2

Sicq;

Sicq; inter Virtutes
 Patientiâ Coronatus
 Victor & Triumphator Malorum,
 VIRTUTES,
 Foelix perficies.
 THESAURUM q;
 Perfectionis & Gloriæ
 Hâc vltimâ Virtute
 CLAUDES.
 Quæ est
 Scala Gloriæ,
 Clypeus Adversitatis,
 Clades Inimicorum,
 Victoria malorum,
 Et
 Quod Pulcherrimum
 Adhuc restat:

Sigil-

Sigillum Virtutum & Perfe-
 ctionis Humanæ,
 E S T
 PATIENTIA.





A D-

ADVERBIVM XIV.

E X.

*Fortunam cum virtute comparat, eiusq;
fallaciam ostendit, docetq; quàm parum
illi fidere debeamus.*

E X

Templo Virtutum
Ad Fortunæ Palatium
Accedamus.

Ex arduo & spinoso domicilio,
ad facilem deliciosumq; Theatrum.
Gratum oculis, amænum cordi,
Patens accessui,
Amplum, & Maiestuosum,
Auro gemmisq; fulgidum
Sublimi Throno decorum,
Pretiosis opibus circumdatum,
Coronis, Sceptris purpurisq; stratum,
Ad cuius allicit aditum,
Speciosum Lemma:

G 4

SEM-

S E M P E R

&

O M N I B U S .

Ad cuius invitat accessum,

aurea S P E S ,

Floridâ suffulta Anchorâ.

Ad cuius stimulat ingressum,

Aurea opum & ambitiosa honorum
cupido.

Quid agendum ?

Aditus patet, Regia vocat,

Opes invitant, Spes arridet,

Thronus placet, cupido trahit.

Intrandum ne ? an expectandum ?

Tam facilem & amplam viam

Quis impediet ?

Tam apertum liberumq; ostium

Quis occludet ?

Tam proficuum & honorabilem
ingressum

Quis dissuadebit ?

Pru-

Prudentia :

Speculum Virtutis

Quod manu gerit, tibi opponet.

In quo

Puris nec infascinated oculis,

Longè diversa ab his, quæ vidisti,
discernes.

Conspicies

Opacam & Horridam molem,

Magis angusto carceri

Quàm angusto Palatio
comparandam.

In qua

Obcæcata insanæ Plebis caterva,

Plena ambitiosæ Cupidinis impetu
rabiola,

Vorat sordes pro opibus,

Scandit glacies pro Throno,

Rapit spinas pro Sceptris,

Legit compedes pro Coronis.

& dum

G 5

His

-His tam fallis & deceptorijs solatijs
gaudens

Immanem Benefactricem suam,
Sagam, & incantatricem,
Nullius Dominam, omnium
Tyrannam,

Servam, non Reginam,
Belluam, non Foeminam,
Furiam, non Gratiam,
Servili genu adorat.

Illa irridens calcat miseros
servientes,

Sordibusq; non opibus,
Spinis, non Sceptris,

Compedibus, non Coronis
onustos,

Cruciat & perimit.

Hunc proijcit de Throno,

Illum Sceptro verberat,

Hunc Spinâ coronat,

Illum opibus suffocat,

Hunc

Hunc invidiæ ungue dilacerat,
Illum aureâ strangulat catenâ.

Hæccine est

Fortunatorum Maiestas?

Hæcne foeliciû voluptas?

Scandunt Thronos, ut jaceant;

Stringunt Sceptra, ut gemant;

Induunt purpuras, ut deponant;

Sumunt coronas, ut pereant;

Portant opes, ut succumbant.

O misera solatia!

O fallaces Spes!

O vilem brevemq; Fortunam!

Vix trahit, & tradit!

Vix afficit, & deficit!

Vix proficit, & proijcit!

Vix exponit, en deponit!

Vix concedit, en recedit!

Inconstans inconstantiq; Animi Sidus est

F O R T U N A.

Stella

Stella naufragij,
 Scopulus sperantium,
 Scylla credentium,
 Laqueus cupientium,
 Navis perversorum,
 Flagellum honorum,
 Vorago divitum,
 Glacies inopum,
 Scala peccantium,
 Fulmen ambientium,
 Fidelis scelerum ministra,
 Rebellis virtuti serva.

Coecca, Fallax, mendax, prava,
 praeceps, lubrica, infida, de-
 ceptrix, virtutis veri-
 tatisq; inimica.

Quot

Ex Tyrannis Reges fecit?
 Ex Regibus servos?
 Ex perversis dominos?

Ex

Ex Dominis infimos?
 Ex indignis divites?
 Ex divitibus inopes?

Quoties

Scelera evexit?
 Virtutes depressit?
 Malignos adiuvit?
 Benignos deseruit?
 Superbos honoravit?
 Modestos conculcavit?
 Iustos condemnavit?
 Iniquos exaltavit?
 Avaros donavit?
 Generosos spoliavit?
 Ignavos Triumphis decoravit?
 Strenuos clade affecit?
 Stultos purpurâ ornavit?
 Philosophos mendicare cōegit?
 O crudelis Fortuna bonis!
 Quam iniqua viris præmia distribuis!

Hinc

Hinc mortalis disce

Fidere cui debeas.

Fallax est & lubrica

Nulli certa, singulis diversa, omni-
bus periculosa:

Ludentem fuge,

Ridentem temne,

Magnam freno,

Parvum tene,

Longam respice,

Brevem non dole,

Securam ne crede,

Periculosam non quære,

Velocem time,

Tardam non expecta,

Adversam tolera,

Nimiam cave,

Tuam cognosce,

Alienam non invide.

Melius

Melius enim tibi est humile


Cum virtute Tugurium

Quam sublime

Cum Fortuna

P A L A T I V M.





A D.

ADVERBIVM XV.

E C C E.

*Honorum Vanitatem ostendit, miseriaſq;
magnum, qui à virtute receſſerunt; & in
qua verus honor conſiſtat, docet.*

Ecce ſublimis & maięſtoſa moles,
Fallax & intolerabile bonum,
Illuſtris ſervitus,
Pompofa Ruina,
Ecce honos.

Quem vanæ mortalium turbæ,
quærunt, cupiunt, ambiunt.

Hic eſt.

Quem ſœcunda Virtutis,
puraq; Sceleris
Ætas contempſit primæva.

Ille eſt.

Iam verò mortalium honores
quid ſunt?
niſi umbra.

Quid dignitas?

H

Niſi

Nisi adæquatum præmium vanæ Spei
 humanæ,
 Palliata miseria,
 Fomes Superbiæ,
 Vanitatis Speculum,
 Scala periculorum,
 Aura ambitiosi Spiritûs,
 Misera invidiæ, odiorumq; vicinia,
 Deaurata, malorum ac servitutis
 Catena.

Quot honores tot onera.
 Quot dignitates, tot ludicra Fortunæ:
 Quot Throni vel fastigia,
 tot mærores tot fastidia.
 tot rararum semina.
 tot fulminum obiecta.
 tot Fatorum Semitæ.

Quisquamné honoris satius
 unquam fuit?

Vastum est hoc, & impenetrabile
 Æquor,

Scor-

Scopulis naufragioq; subiectum.
*Quibus adsunt purpure ijs non desunt
 curæ.*

*Quos honorant nomina,
 eos anxia mens cruciat:*

*Quos cingit coronâ,
 illos premit invidia.*

Simulq; sunt ista

Odium & Regnum.

Quot Cæsares, Reges, Principes,
 Tot sunt Ludibria Sortis.

Nemo fuit

Qui vera summi boni Cognitione,
 vel saltem,

Fœlici beatæ vitæ Cursu,
 vel, quod minimum.

Secura mentis quiete gauderet.
 Bella, discordiæ, cædes, rapinæ,
 Fraudes, acconita, violatâq; jurâ.
 Hæc plerumq; sunt vani Solatia
 Regni.

Revoca Romanum, Orientisq;

H 2

Impe-

Imperium:

Revolues

Plures ferri, quàm Sceptri Dominos,
 Plus cædis, quàm annorum, colliges;
 Plures dolos, quàm coronas numerabis.

Videbis

Terrores illos orbis,
 nunc

Vanæ famæ umbræq; Nomina,
 Miserâ clade, cædibusq; dispersa
 ac deleta.

Magnos olim Cæsares

JVLIVM, crudeliter confossum.
 AVGVSTVM, veneno extinctum.
 TIBERIVM, pari morte enectum.
 GERMANICVM, clandestinè cæsum:
 CLAVDIVM, toxico sublatum.
 NERONEM, à semetipso occisum.
 GALBAM, ex insidijs trucidatum.
 OTHONEM, suâmet manu sublatum.
 VITELLIVM, horrendâ morte deletum
 DOMITIANVM, clam interfectum.

ÆLIVM

ÆLIVM AVRELIVM, laqueo
 strangulatum.

HEL: PERTINACEM, miserabili
 modo occisum.

PESCENNIVM, pariter trucidatum.

CLODIVM, à Severo miserè cæsum.

ANTONINVM, quoq; violentâ mor-
 te sublatum.

SEPTIMIVM, insidiosè à fratre
 occisum.

MACRINVM, miserè vitâ privatum.

HELIOGABALVM, dedecorosè
 necatum.

ALEXANDRVM, immeritò in-
 teremptum.

MAXIMINVM, gladio interfectum.

GORDIANVM, laqueo extinctum.

BALBINVM, ignominiosè trucidatū.

PHILIPPVM, Fidei Causâ pariter
 occisum.

HERENNIVM, hostili gladio per-
 cussum.

H3

TRE.

TREBONIANVM, VIBIUM, ÆMI-
 LIANVM, variâ morte sublato.
 AVRELIVM, in servitute mortuum.
 GALLIENVM, à triginta sex Tyran-
 nis crudeliter interemptum.
 SALONINVM VALERIANVM,
 vnâ cum Patre miserè interfectum.
 CASSIVM, Posthumum tyrannicè
 confossum.
 QUINTILIUM, à seipso peremptum.
 AURELIANUM, TACITUM, à militibus
 occisos.
 PERPETUUM PROBUM, indignè strangu-
 latum.
 CARUM, sævâ morte absumptum.
 NUMERIANUM, crudeliter peremptum.
 CARINUM, gladio concisum.
 DIOCLETIANUM, à se morte affectum.
 MAXIMIANUM, suspendio sublato.
 GALERIUM, crudelissimè laceratum.
 MAXENTIUM, in Tyberi submersum.
 LICINIUM, miserè percuntem.

CON-

CONSTANTINUM, veneno extinctum.
 CONSTANTEM, itidem occisum.
 DECENTIUM, à se strangulatum.
 IULIANUM, in deserto confossum.
 IOVINIANUM, miserè à fumo suffocatum.
 VALENTEM, ab hostibus exultum.
 GRATIANUM, à MAXIMO interfectum.
 HONORIUM, post devastationem Urbis
 mortuum.
 VALENTINIANUM, gladio transixum.
 MARTIANUM, à tumultuariis occisum.
 ANASTASIVM, fulmine ictum.
 MAVRITIUM, capite truncatum.
 PHOCAM, immani crudelitate laniatum.
 DIVVM HERACLIVM, à Maho-
 mete expulsus.
 HERACLIVM filium abscissis nari-
 bus in exilium missum.
 CONSTANTEM, Palatio præci-
 pitatum.
 IVSTINIANVM, interfectum.
 LEONTIVM, truncatis manibus in
 carcere excarnificatum. 77-

TIBERIVM II. ignominiosè occisum.

PHILIPPICVM, fame enectum.

ANASTASIVM II. ex Imperio ad
ad monachismum detrusum.

CONSTANTINVM, excæcatum, &
in perpetuos carceres missum.

HLOTARCVM, in monasterio
mortuum.

ARNOLPHVM, morbo pediculari
miserè absumptum.

OTHONEM III. veneno sublatum.

HENRICVM, mærore animi con-
sumptum.

FRIDERICVM, miserè submersum.

PHILIPPVM III. ignominiosè tru-
cidatum.

FRIDERICVM II. ex insidijs Filij
sublatum.

ADOLPHVM, in civili bello occisū.

ALBERTVM, sceleratâ manu per-
emptum.

HENRICVM VII. in venenata Eu-
charistiæ

charistiæ Hostia sine exemplo sublatū.

FRIDERICVM III. Imperio privatū.

Ac deinde *CAROLVM V.*

pietate, victorijs, memoriâ illustrem.
post consideratas vivendi regnandiq;
ærumnas, traditâ Filio Regni curâ.
Omni vanitate exutum & privatâ con-
tentum vitâ.

In hac

Cæsarum, an cæsorum

Serie,

In hac

Imperantium an pereuntium

Catalogo

Quàm lubrica sit Honoris via,

Quàm grave Sceptri pondus,

Quàm vanum Coronæ pretium,

tecum cogita.

Quisquamné Regno gaudet ?

Ofallax bonum !

Hs.

ER

Estné quidquam propius solo
quàm solium ?

Estné quidpiam propius Cælo
quàm Virtus ?

Misera vicinitas !

*Quò proximiores Vanitati sumus
eo remotiores reddimur Virtuti !*

& tamen

Nihil deest

ad vsurpandum

Vanitati ;

Nihil Superbiæ ad arrogandum ,

Ipsi Cælo ,

Astris, Naturæ, Angelis ,

Superis ,

Nomina , Titulosq ;

ademinimus !

Serenitatem Cælo ,

Excellentiam naturæ ,

Celsitudinem astris ,

Illustritatem Soli ,

Emi-

Eminentiam Angelis
ac demum invictam superis
potentiam nobis tri-
buimus !

Nihilq ; iam deest, nisi vt obliti originis
conditionisq ; humanæ immortales
nos æternosvé appellemus !

O Infana Ambitio !

Quid prodest ,

ô Mortalis !

Elatum solium ,

Vana nominis umbra ,

Si te prodit origo ,

Obscurat vitium ,

Virtus deserit ,

Fortuna calcat ,

Mors æquat ,

Terraq ; sepellit !

Videri cupis Dominus Regnorum ,
& servus es vitiorum ?

Ascen-

Ascendere Thronos desideras ; & non
vides scabellum te esse fortunæ ?
Dare lura præsumis ; & nescis an obser-
ves, quod tibi æternum Numen
præscripsit ?

Placet tibi tiara, gemmisq; illustre dia-
dema ; & non cernis quàm graves tra-
hat secum curas, invidaq; odia ?

Arrides famulantium turbis ; & non
vides fortunæ eos suæ, non tibi
famulari ?

Purpura ornari gaudes vesteq; Tyriâ,
& non doles nudum te esse virtute,
quam non curas ?

Superbis abundas opibus, amplis ho-
noribus, immensis nominibus, titulis;
laudibus tumescis ; & ignoras quàm
proprium sit tumoris, premi,
Elati lacere.

Superbientis calcari !

Crede mihi,

*Regem non faciant Sceptra ,
non gra-vida auro purpura , non*

*non splendens corona gemmis ,
non vulgi turba tumidi.*

Virtus regnare facit.

*Omnisq; potestas virtuti,
non Regno servit.*

Illeq; est Cæsar

Qui sibi sua regna tradit .

Cui virtus coronam.

Paucis dicam.

Mens bona Regnam possidet.

Hanc vobis,

O commortales !

Semper æquam & tranquillam,

Virtutis sociam ,

Fortunæ Dominam,

Mentem

dico,

Veram, optimam, immortalem,

& quam

**Fœlicissimo omnium vocabulo
complectar**

Supre-

Supremæ Mentis delictum
ardens voveo,

is qui

Anagrammaticè

Ambiens nulla Regna posco,
Laus mihi ac Regnum sis,
Sola Virtus.







